



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

**Broj: 01-11-4-7053-2**  
**Sarajevo, 13.03.2023. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama („Službeni glasnik Bosne i Hercegovine”, broj 39/14, 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine, u postupku javne nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo, ministar **d o n o s i**:

### **O D L U K U**

**o dodjeli ugovora u postupku nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo**

#### **I**

Na osnovu Odluke broj 01-11-4-7053 od 09.12.2022. godine i Obavještenja o nabavci broj 1364-1-1-97-3-71/22 od 09.12.2022.godine, proveden je otvoreni postupak sa namjerom zaključivanja okvirnog sporazuma na dvije godine s jednim ponuđačem za nabavku tonera, ketridža i drum unit-a za potrebe Ministarstva unutrašnjih poslova Kantona Sarajevo

#### **II**

Komisija je shodno Zakonu o javnim nabavkama, primjenjujući kriterij "najniža cijena", dala preporuku o dodjeli ugovora sa zaključivanjem okvirnog sporazuma na dvije godine ponuđaču „DEFTER “ d.o.o. Sarajevo sa ponudom u iznosu od 68.520,00 KM bez PDV-a.

#### **III**

Po okončanju roka za žalbu, ugovorni organ će pozvati izabranog ponuđača radi zaključivanja okvirnog sporazuma i ugovora o javnoj nabavci, kojim će se regulisati međusobna prava i obaveze.

#### **IV**

Ova odluka stupa na snagu danom donošenja.

### **O b r a z l o ž e n j e**

Na osnovu Odluke o pokretanju postupka nabavke broj 01-11-4-7053 od 09.12.2022. godine i Obavještenja o nabavci broj 1364-1-1-97-3-71/22 od 09.12.2022. godine na portalu Agencije za javne nabavke objavljen je postupak nabavke tonera, ketridža i drum unit-a za potrebe Ministarstva



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

unutrašnjih poslova Kantona Sarajevo (sukcesivna nabavka), putem otvorenog postupka. Za predmetni postupak predviđeno je zaključivanje okvirnog sporazuma na dvije godine sa jednim ponuđačem.

U skladu sa gore navedenim Obavještenjem o nabavci ponudu je dostavilo pet ponuđača i to: „ALF-OM“ d.o.o. Banja Luka, Printex d.o.o. Sarajevo, Primaprom d.o.o. Banja Luka, Defter d.o.o. Sarajevo, Crobox d.o.o. Sarajevo. Tendersku dokumentaciju je preuzelo je 15 ponuđača dok je prvu izmjenu Tenderske dokumentacije preuzelo osam ponuđača, a drugu izmjenu tenderske dokumentacije je preuzelo pet ponuđača.

U postupku nabavke postavljena su četiri pitanja na koja je odgovoreno u predviđenom roku.

Sve prispjele ponude su blagovremene i imaju sljedeće vrijednosti:

PONUĐAČ	Iznos Ponude bez PDV-a (KM)	Popust (KM)	Iznos ponude bez PDV-a (KM) sa popustom
“ALF-OM” d.o.o. Banja Luka	79.978,00	-	79.978,00
“Printex” d.o.o. Sarajevo	79.997,00	-	79.997,00
“Primaprom” d.o.o. Banja Luka	87.805,20	-	87.805,20
“Defter” d.o.o. Sarajevo	79.643,40	-	79.643,40
“Crobox” d.o.o. Sarajevo	79.646,40	-	79.646,40

Komisija je izvršila provjeru kvalifikacije ponuđača u skladu sa minimalnim zahtjevanim kvalifikacionim uslovima u tenderskoj dokumentaciji, koje ponuđač treba da ispunjava, evaluaciju i ocjenu ponuda i na osnovu toga zakazala E-aukciju na dan 04.01.2023. godine u 09:00 sati.

Nakon održane e-aukcije. A prema Izvještaju o toku i završetku e-aukcije ostvaren je sljedeći poredak podnešenih vrijednosti konačnih ponuda:

PONUĐAČ	Konačna vrijednost bez PDV-a (KM)	Umanjenje cijene	Rang
“Defter” d.o.o. Sarajevo	68.520,00	13,97 %	1
“ALF-OM” d.o.o. Banja Luka	68.600,00	14,23 %	2
“Primaprom” d.o.o. Banja Luka	73.800,00	15,95 %	3
“Crobox” d.o.o. Sarajevo	77.840,00	2,27 %	4
“Printex” d.o.o. Sarajevo	79.997,00	0 %	5

Komisija je shodno Zakonu o javnim nabavkama, primjenjujući kriterij "najniža cijena", dala preporuku o dodjeli ugovora sa zaključivanjem okvirnog sporazuma na dvije godine ponuđaču „DEFTER“ d.o.o. Sarajevo sa ponudom u iznosu od 68.520,00 KM bez PDV-a.

Nakon što je Odluka o dodjeli ugovora, broj 01-11-4-7053 dostavljena svim ponuđačima u zakonskom roku, ponuđač Defter d.o.o. Sarajevo je dana 10.02.2023. godine uputio Ugovornom organu zahtjev za uvid u ponude.

Obzirom da je Ugovorni organ propustio zakonski rok za omogućavanje traženog uvida u ponude, ponuđač “Defter” d.o.o. Sarajevo je uložio žalbu na odluku o dodjeli ugovora sa zaključivanjem okvirnog sporazuma na dvije godine ponuđaču „DEFTER“ d.o.o. Sarajevo.

Nakon zaprimljene žalbe na predmetnu Odluku, donesen je Zaključak o odgađanju nastavka postupka javne nabavke tonera broj: 01-11-4-7053 od 13.02.2023. godine.



Postupajući po izjavljenoj žalbi od 10.02.2023. godine, ugovorni organ je utvrdio da je ista blagovremena, dopuštena i izjavljena od ovlaštenog lica, te da je ista osnovana jer je od strane ugovornog organa propušteno omogućavanje uvida u ponude, u zakonskom roku, pristigle u postupku javne nabavke tonera, ketridža i drum unit-a za potrebe Ministarstva unutrašnjih poslova Kantona Sarajevo.

Ugovorni organ je uvažio žalbeni navod ponuđača "Defter" d.o.o. Sarajevo i donio Rješenje kojim se usvaja žalbeni navod u cjelosti i poništava Odluka o dodjeli ugovora za tonera, ketridža i drum unit-a.

Nakon isteka roka za žalbu na navedeno Rješenje, Komisija je shodno Zakonu o javnim nabavkama, primjenjujući kriterij "najniža cijena", ponovo dala preporuku o dodjeli ugovora sa zaključivanjem okvirnog sporazuma na dvije godine ponuđaču „DEFTER“ d.o.o. Sarajevo sa ponudom u iznosu od 68.520,00 KM bez PDV-a.

#### **POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama.



#### **DOSTAVITI:**

1. Ponuđačima x 5,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.

